

(վարչական տույժ նշանակելու վերաբերյալ)

«29» հուլիսի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գոռ Բակլաչյանս, քննելով քաղաքացի Աշոտ Խաչատրյանի (քաղաքացիությունը՝ Միացյալ Թագավորություն, անձնագիր՝ 530529142, ծնված՝ 10.10.1959թ.) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի**1. Գործի նկարագրությունը:**

Քաղաքացի Աշոտ Խաչատրյանի կողմից 24.09.2021թ. Բազրատաշենի մաքսային կետ-բաժնով թիվ 05100033/240921/0000655885 մաքսային մուտքի օրդերով 181 օր ժամկետով, ժամանակավոր ՀՀ մաքսային տարածք է ներմուծվել «DODGE - RAM 1500 SPORT» մակիշի 1C6RR7MT6HS583868 նույնականացման համարով, V716JB պետհամարանիշով, 2017թ. արտադրության տրանսպորտային միջոց, որի ներմուծման ժամկետը սահմանվել է մինչև 24.03.2022թ., սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

2. Սույն վարչական գործի քննության համար նշանակություն ունեցող փաստեր:

1. 24.09.2021թ. լրացված թիվ 05100033/240921/0000655885 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք է ներմուծվել DODGE - RAM 1500 SPORT» մակիշի 1C6RR7MT6HS583868 նույնականացման համարով, V716JB պետհամարանիշով, 2017թ. արտադրության տրանսպորտային միջոց:

2. ՀՀ ՊԵԿ Ներքին անվտանգության վարչությունից ստացված սահմանափակումների պատմության համաձայն վերը նշված տրանսպորտային միջոցը փաստացի չի արտահանվել ՀՀ տարածքից:
3. «DODGE - RAM 1500 SPORT» մակիշի 1C6RR7MT6HS583868 նույնականացման համարով, V716JB պետհամարանիշով, 2017թ. արտադրության տրանսպորտային միջոցի վերաբերյալ ՀՀ ՊԵԿ մաքսատու-վարչություններում մաքսային գործառնություններ կատարված չլինելու վերաբերյալ առկա են ապացույցներ (Մաքսատու-վարչություններից ստացված գրություններ):
4. 24.09.2021թ. լրացված թիվ 05100033/240921/0000655885 մաքսային մուտքի օրդերի հիման վրա հետագա արտահանման պարտավորությամբ ժամանակավոր ՀՀ տարածք ներմուծված 3. «DODGE-RAM 1500 SPORT» մակիշի 1C6RR7MT6HS583868 նույնականացման համարով, V716JB պետհամարանիշով, 2017թ. արտադրության տրանսպորտային միջոցի՝ խախտման օրվա դրությամբ «Ներքին սպառման համար բացթողում» մաքսային ընթացակարգով հայտարարագրման դեպքում առաջացող մաքսային վճարները կազմում են՝ միասնական դրույքաչափով վճար՝ 10,993,125 ՀՀ դրամ:
5. 31.05.2022 թվականին կազմվել է մաքսային կանոնների խախտման վերաբերյալ արձանագրություն: Գործի քննություն է նշանակվել 04.07.2022թ. ժամը 12:00-ին, որի վերաբերյալ վերջինիս հասցեին ուղարկվել է ծանուցագիր, սակայն ծրարը վերադարձել է «Չպահանջված» նշագրմամբ: Գործի քննությունը տեղափոխվել և նշանակվել է 29.07.2022թ. ՀՀ ՊԵԿ Արևելյան մաքսատու-վարչության վարչական շենքում ժամը 12:00-ին և համապատասխանաբար՝ 12:30-ին»:
6. Հարցումներ են ուղարկվել ՀՀ ոստիկանության և անձնագրային վիզաների վարչություն, ՀՀ կադաստրի կոմիտե՝ Աշոտ Խաչատրյանի՝ ՀՀ-ում հաշվառված լինելու վերաբերյալ, ինչպես նաև ՀՀ-ում գրանցված գույքի վերաբերյալ տեղեկատվություն ստանալու նպատակով:

Համաձայն ՀՀ ոստիկանության և անձնագրային վիզաների վարչության կողմից տրամադրված գրության՝ ՀՀ ոստիկանության անձնագրային և վիզաների վարչության

բնակչության պետական ռեգիստրի տվյալների՝ քաղաքացի Աշոտ Խաչիկի Խաչատրյանը, ծնված՝ 10.10.1959թ., 14.08.1996թ. մինչև 08.12.2008թ. հաշվառված է եղել «ք. Երևան, Մալաթիա-Սեբաստիա, Սվաճյան փ. 2.38, բն. 30» հասեում: Հաշվառումից հանվել է սեփականատիրոջ դիմումի համաձայն:

Համաձայն ՀՀ կադաստրի կոմիտեի կողմից տրամադրված գրության՝ Կադաստրի կոմիտեի էլեկտրոնային արխիվի տվյալների՝ Աշոտ Խաչատրյանի (ծնված 10.10.1959 թ.) անվամբ գրանցված անշարժ գույքի միավորների վերաբերյալ ստույգ և ամբողջական տեղեկատվություն տրամադրելու համար անհրաժեշտ է ներկայացնել նույնականացնող տվյալներ՝ (ՀՀ անձնագրի տվյալներ կամ հայրանուն):

7. Սույն մաքսային կանոնների խախտման վերաբերյալ գործը քննվել է ՀՀ ՄՕ 219-րդ հոդվածի 2-րդ կետի ուժով:

3. Սույն գործի փաստական և իրավական հիմնավորումները, վարչական մարմնի եզրահանգումները:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով:

Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ ՀՀ օրենսգրքի 37-րդ հոդվածի 3-րդ պարբերության համաձայն՝ մաքսային կանոնների խախտման վերաբերյալ գործերով վարչական տույժը կարող է նշանակվել իրավախախտումը հայտանաբերվելու օրվանից երկու ամսվա ընթացքում, սակայն ոչ ուշ, քան իրավախախտումը կատարելու օրվանից 3 տարվա ընթացքում:

ՀՀ մաքսային օրենսգրքի 219-րդ հոդվածի 2-րդ մասի ուժով սույն վարչական գործը քննվել է Աշոտ Խաչատրյանի բացակայությամբ /գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված

կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս/:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով:

Աշոտ Խաչատրյանն սահմանված ժամկետում չի արտահանել վերոնշյալ տրանսպորտային միջոցը և չի ձևակերպել այլ մաքսային ընթացակարգով: Վերջինս ցուցաբերել է անգործություն, որի արդյունքում խախտվել է հետադարձ արտահանման պարտավորությունը:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորության չկատարման համար Աշոտ Խաչատրյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ, ինչը հիմնավորվում է կազմված արձանագրությամբ, 24.09.2021թ. լրացված թիվ 05100033/240921/0000655885 մաքսային մուտքի օրդերով և ՀՀ ՊԵԿ Ներքին անվտանգության կողմից ներկայացված սահմանափակման պատմությամբ:

4. Եզրափակիչ մաս:

Ելնելով վերոգրյալից, ղեկավարվելով ՀՀ մաքսային օրենսգրքի 199-րդ, 206-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի


1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար քաղաքացի Աշոտ Խաչատրյանին ենթարկել վարչական պատասխանատվության՝ տուգանելով՝ 5,496,562 ՀՀ դրամի չափով:

2. Որոշման մասին հայտնել Աշոտ Խաչատրյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և ՀՀ մաքսային օրենսգրքի 222-րդ հոդվածի 2-րդ մասի համաձայն որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝



ԳՈՌ ԲԱԿԼԱՉԱՆ